



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Izvještaj o radu

Udruženja inženjera i tehničara šumarstva Federacije Bosne i Hercegovine UŠIT FBiH za 2011. godinu

U skladu sa Planom rada Udruženja inženjera i tehničara šumarstva Federacije Bosne i Hercegovine za 2011. godinu koji je usvojen na IX redovnoj Skupštini UŠIT-a, koja je održana dana 24.03.2011. god., te u skladu sa Odlukama i Zaključcima Predsjedništva, u toku 2011. godine je udruženje provodilo sljedeće aktivnosti:

Jačanje kapaciteta i unaprijeđenje organizacijske strukture Udruženja

- Prečišćeni tekst Statuta Udruženja (uključujući i promjene lica ovlaštenih za zastupanje Udruženja) je podnešen nadležnim institucijama i izvršena je registracija Udruženja u skladu sa važećim propisima.
- U cilju efikasnijeg djelovanja, a u skladu sa odredbama Statuta UŠIT-a, konstitusana su nedostajuća radna tijela i komisije, izrađeni su i usvojeni neophodni poslovници i procedure o radu Udruženja i svih organa Udruženja.
- Uloženi su naponi na omasovljenju Udruženja, prije svega podsticanju kolektivnog članstva svih šumarskih institucija, Šumarskog fakulteta, srednjih škola, preduzeća i drugih subjekata koji imaju značaj za šumarski sektor. Posebno je potrebno istaći da su Udruženju kao kolektivni članovi pristupile pojedine kantonalne uprave za šumarstvo i studenti Šumarskog fakulteta kao pojedinačni članovi.
- Uspostavljena je jedinstvena baza podataka o članovima Udruženja, osmišljen je i izrađen dizajn članske knjižice i otpočelo se sa distribucijom istih članstvu. U tom kontekstu pristupilo se izradi jedinstvene baze diplomiranih inženjera šumarstva na području Federacije BiH i ista će biti objavljena u jednom od narednih izdanja časopisa Naše šume.
- Saradnja sa Hrvatskim šumarskim društvom Mostar, nažalost nije bila zadovoljavajuća, uprkos nastojanjima Predsjedništva da održi dosadašnji kontinuitet i istu unaprijedi. Časopis Naše šume je uredno dostavljan Hrvatskom šumarskom društvu Mostar, iako je isti u cjelosti tehnički pripremljen i finansiran isključivo sredstvima Udruženja. Hrvatsko šumarsko društvo Mostar je takođe redovno dostavljalo Udruženju određni broj primjeraka časopisa Šumarski list iz Hrvatske.
- UŠIT je aktivno učestvovao u radu Savjeta šumarskih udruženja Bosne i Hercegovine (SŠU BiH), posebno u dijelu koji se odnosi na međunarodnu saradnju (posjeta direkciji Turskih šuma, organizacija edukacije iz protivpožarne zaštite u Turskoj, stručna ekskurzija u Mađarsku itd.)
- Na zahtjev zakupodavca preduzeća BH Šume, Udruženje je krajem 2011. godine bilo prinuđeno da napusti prostorije koje je koristilo u prethodnom periodu. Zahvaljujući razumjevanju menadžmenta Šumarskog fakulteta, Udruženje je nesmetano nastavilo sa radom u prostorijama fakulteta, što se može smatrati privremenim rješenjem.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Angažman Udruženja u procesima šumarske politike

- Udruženje je nastojalo biti aktivno uključeno u aktivnosti na izradi Zakona o šumama Federacije BiH. U svakoj prilici, Udruženje je učestvovanjem na različitim sastancima, okruglim stolovima i savjetovanjima davalo svoj doprinos prevazilaženju trenutne situacije po pitanju Zakona o šumama Federacije BiH. U tim nastojanjima, Udruženje je insistiralo na transparentnosti i saradnji sa svim ostalim akterima šumarske politike i zainteresiranim stranama, u cilju doprinosa u izradi modernog i funkcionalnog Zakona o šumama Federacije BiH. Pored toga, Udruženje je bilo konzistentno i poštivalo principe na kojima je izrađen usaglašeni tekst Zakona o šumama od strane Komisija za zakonodavstvo UŠIT-a, Šumarskog fakulteta i HŠD. Određeni dijelovi tog teksta su ugrađeni u varijante zakona koje su bile (ili si još uvijek) u parlamentarnoj proceduri. Udruženje je također u više navrata jasno izrazilo svoje neslaganje sa konceptom po kojem ti prijedlozi zakona samo parcijalno uključuju odredbe predložene od strane Komisija za zakonodavstvo Udruženja.
- Udruženje se u više navrata, pismenim putem obraćalo nadležnim institucijama izvršne i zakonodavne vlasti u Federaciji BiH, izražavajući duboku zabrinutost povodom trenutnog stanja u oblasti šumarstva na nivou Federacije Bosne i Hercegovine, te negativnim posljedicama koje isto može izazvati. U tim dopisima, Udruženje je svaki put izražavalo spremnost da sve svoje kapacitete stavi na raspolaganje i konstruktivno saraduje sa svim relevantnim subjektima u oblasti šumarstva, zakonodavnom i izvršnom vlašću, nevladinim sektorom, naučno-obrazovnim institucijama i međunarodnim organizacijama u cilju izrade i hitnog donošenja adekvatne zakonske regulative koja bi omogućila očuvanje šumskih resursa i unaprjeđenje razvoja sektora šumarstva u Federaciji Bosne i Hercegovine. Nažalost, ovi dopisi Udruženja dosada nisu rezultirali nikakvom reakcijom od strane onih kojima su bili upućeni.

Finansiranje Udruženja

Zahvaljujući prije svega kolektivnim i pojedinačnim članarinama, Udruženje je konsolidovalo finansijsku situaciju i stvorilo pretpostavke za dalji rad. U cilju obezbjeđenja kontinuiranih prihoda za funkcionisanje i rad UŠIT-a uvažavajući prijedloge sa zadnje Skupštine, u 2011. god. Predsjedništvo je poduzimalo sljedeće aktivnosti:

- Na zahtjev kolektivnih članova pristupilo se potpisivanju i realizaciji Ugovora o finansiranju (na osnovu dosadašnjih kriterija) isključivo na bilateralnim osnovama, za razliku od ranijeg tripartitnog modela.
- Predsjedništvo je kroz niz bilateralnih sastanaka sa kolektivnim članovima, uspjelo realizirati izmirenje zaostalih obaveza pojedinih kantonalnih preduzeća po ranije potpisanim Ugovorima.
- Izrađena su i odobrena dva Projekta koji su aplicirani za finansiranje iz kantonalnih fondova za unaprijeđenje šuma (SBK – prijevod i štampanje knjige von DIMITZ-a, SAK – finansiranje jednog broja časopisa Naše šume)
- Kontinuirano su provođene aktivnosti na iniciranju prisupanja novih kolektivnih članova te pojedinačnih članova putem pristupnica koje se nalaze na web stranici i plaćanje godišnje članarine,



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Izdavačka djelatnost, stručni radovi, obrazovanje, seminari i savjetovanja

- Uprkos teškoj finansijskoj situaciji, izdata su dva broja časopisa Naše šume, pri čemu je evidentno konstatno unaprijeđenje u tehničkom i sadržajnom smislu. Provedene su i aktivnosti na izradi novog dizajna časopisa, i iste se nalaze u završnoj fazi.
- Uz podršku kantonalne uprave za šumarstvo SBK osmišljen, odobren i djelimično realiziran je projekat prevoda i štampanja knjige o BiH šumarstvu sa početka XX vijeka, autora von Dimitza. Okončane ovog projekta je predviđeno tokom 2012. godine.
- Nizom manifestacija i aktivnosti je obilježena međunarodna godina šuma (svečani dio IX Skupštine Udruženja, svečana manifestacija povodom međunarodne godine šuma u Travniku, Eko-Bis sajam u Bihacu itd.)
- U saradnji i uz pomoć Lovačkog saveza BiH, šumara pokrajine Hessen i Federalnog MPViŠ, organizirana je dvodnevna manifestacija godišnjice reintrodukcije dabra i podjsećanja na lik i djelo Seada Hadžiabdića.
- Dva člana Udruženja – specijalisti za rasadničku proizvodnju su upućeni na međunarodni stručni seminar na temu Sjemenarstvo i radnička proizvodnja koji je održan u Turskoj.
- U saradnji sa Šumarskim fakultetom u Sarajevu započete su aktivnosti na realizaciji programa kontinuiranog obrazovanja šumarskih stručnjaka, organiziranjem 3 seminara na temu EU odredbe o trgovini drvetom i Protivpožarna zaštita u šumarstvu (2 seminara). Seminari su održani na različitim lokacijama u Federaciji BiH a polaznicima (oko 100) su dodijeljeni odgovarajući certifikati o učešću.
- Putem medija i drugim aktivnostima dat je doprinos na propagiranju rada Udruženja, Savjeta šumarskih udruženja BiH, šumarstva i lovstva kao privredne grane, te uloge šumarskih stručnjaka u zaštiti čovjekove okoline.
- Predstavnici Udruženja su učestvovali u aktivnostima (svaki put kada smo bili pozvani) koje se tiču šumarstva, zaštite prirode i lovstva, koje su organizirale različite vladine i nevladine institucije na svim nivoima vlasti, naučno-nastavne institucije, preduzeća i sl., nastojeći da se zaštiti i promovišu/afirmiše interesi šumarske struke.

Stručne ekskurzije i međunarodna saradnja

- Provedene su aktivnosti na realizaciji Memoranduma potpisanog sa Generalnom direkcijom Turskih šuma (organizacija edukacije iz protivpožarne zaštite u Turskoj, izrada, prezentacija i pripreme radnje za realizaciju projekta Park-šume tursko-bosanskohercegovačkog prijateljstva, donacija protivpožarne opreme itd.). U tom smislu organiziran je doček kolega iz Turske u dva navrata, uz predstavljanje šumarstva BiH, kao i kulturnih i prirodnih znamenitosti naše domovine. Članovi Udruženja su posjetili Tursku u tri navrata (prvi put delegacija SŠU a zatim dvije grupe šumarskih stručnjaka iz BiH na obuku iz protivpožarne zaštite).



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

-
- Udruženje je u saradnji sa kolektivnim članovima ugostilo stručnu ekskurziju mađarskih šumara te organizovalo uzvratnu posjetu - stručnu ekskurziju Mađarskoj u kojoj su učestvovali članovi svih šumarskih strukovnih udruženja u BiH.
 - Neophodno je naglasti da je Udruženje imalo ključnu ulogu u svim aktivnostima na realizaciji međunarodne saradnje u kojima su ravnopravno učestvovali članovi svih šumarskih strukovnih udruženja u BiH. Bez nesebične materijalne i tehničke pomoći svih kolektivnih članova, kao i drugih prijatelja Udruženja, realizacija ovih aktivnosti ne bi bila moguća.

Sve navedene aktivnosti realizovane su uz značajna finansijska ograničenja, imajući u vidu aktuelnu ekonomsku situaciju u BiH i stanje u sektoru šumarstva.

Predsjednik Udruženja

Prof. dr. Mersudin Avdibegović